



ARUBA ANSE COURANT



Diario



pa Aruba



Instala Aire acondicionado na bo cas AWOR!



Tel. 2170

ANJA 22

DIAMARS 26 DI JULI 1960

Nr. 3794

Conseho di seguridad a discuti mas leu e keho RUSO contra MERCA

**Cabot Lodge: „Actitud escandaloso”.
Koeznetsof: „Fantasianan grof”.**

NEW YORK, 26 juli — Awe tardi conseho di seguridad a discuti mas leu e keho di Rusia contra Merca, pa motibu dje vuelo dje avion Mericano RB-47, cual Rusia a destrui. E representante Mericano, Cabot Lodge, a presenta informacion secreto, pa muntra cu e RB-47 no tabata bula over di Rusia. El a muntra algun mapa riba cual por mira ruta dje avion. E avion tabata haci observacionnan riba terreno electro-magnetico y tabata over di laman internacional continuamente.

E tabata arma cu solamente dos mirailleur den e raba. Local ta armanan puramente defensivo. Cabot Lodge a bisa cu e declaracion ruso, segun cual e avion a word destrui over di arcan territorial ruso, ta un cuenta, un esfuerzo mal huiel pa secunde e hecho cu nan a ataca un avion voluntariamente over di laman internacional. Asina Cabot Lodge a bisa. Cabot Lodge a bisa cu loke a socede ta cu un avion ruso a trata di forza e avion mericano over di territorio ruso, net prome cu e avion mericano mester a bira pa noreste. El a logra di stroba e avion mericano di bira, pero e no a logra di pone e avion mericano jega te over di territorio ruso. E avion mericano a sigui un otro ruta. 20 minuut despues cu e avion mericano a word destrui (segun e anuncio ruso), e tabata na un distancia di 320 km for di e awanan territorial di Rusia, asina Cabot Lodge a bisa.

Parce cu e avion ruso a stop di perigui esun mericano pasobra su combustible a caba, y e ora ey e avion mericano tabata por sigui su ruta determina, asina Cabot Lodge a bisa.

DR. GOSLINGA TA PAPIA PA VOLKSUNIVERSITEIT

ORANJESTAD — Dr. C. Goslinga ta papi diabuebs awor den Cultureel Centrum pa miembros (y no miembros) di Volksuniversiteit tocante Venezuela. Dr. Goslinga conoce Venezuela masha bon. Poco tempo pasa el a haci un estudio especial riba cuadranton venezolano.

Como titulo pa su declamacion dr. Goslinga a scoge „Sint Lucas in Caracas”.

FATUM — Tel.: 1845 Po tur bo aseguronan

Otro luna tin un lectura di sr. J. Croes ariba programa na papiamento tocante „Vliegtuigen en Vliegen”. Sr. Croes tambe lo papi den Cultureel Centrum. E fecha correcto lo word anuncia despues.

LADRONNAN CONGOLES ARRESTA NA JADOTSTAD



Na Jadotstad, como cien kilometer di Elizabethstad na Katanga, polisnan a tuma pasonan severo contra e ladronnan congoles, cu den e periodo di e humentu di e blancun y yegada di e trupanan belga, kler a probecha pa haci

Merca tin tur derecho di pidi Conseho di Seguridad pa condena e atake escandaloso aki y pidi Rusia pa paga danijonan di perhuicio inmediatamente. Pero, sperando cu Conseho di Seguridad lo por convence Rusia cu e mester bandona su actitud di odio, nos ta pidi Conseho di Seguridad pa pidi Rusia pa aproba un investigacion imparcial. Nos no ta pidi Conseho pa acepta nos version dje sucesonan sin obyeccion, pero pa juda determina e hecchonan, e delegado mericano a presenta un resolucion, pidiendo un investigacion imparcial of un sentencia di Corte Internacional di Husticia.

Investigacion imparcial

E investigacion imparcial lo mester tuma luga pa un comision, forma di un igual cantidad di miembronan cu

ambos gobierno a nombra y un gobierno of un autoridad, cu ta aceptable pa ambos pafs. E comision mester por haci un investigacion na sitio dje suceso, studia restonan dje avion y interroga testigonan of personanan cu a experiencia e atake y a keda na bida. Cabot Lodge a bisa cu e avion tabata equipa cu e aparatonan mas moderno y fidedigno di nabegacion: no tabata existi ningun motivo pa e piloto kita for di su ruta. E tripulacion dje avion a hanja order pa controla nan aparatonan di radar especialmente un biaha mas, prome cu nan jega te na 120 km for di territorio ruso, pasobra Rusia a jega di pone avionnan acerca su fronteranan caba.

E subministro ruso di asuntunan exterior a bisa cu Cabot Lodge ta conta „fantasianan grof”. El a bisa cu e avion tabata comete espionaje. El a viola e fronteranan ruso y na e manera ey el a comete agresion. Rusia no por acepta e proposicion di un comision di investigacion. E hecchonan no ta larga duda dje caracter agresivo dje violacion di espacio di Rusia, asina e ruso a bisa.

E delegado ingles a declara cu Inglatera tambe tin prueba fidedigno

„Friendly Neighbor Cruise” di Albany N.Y.: Aruba ta un di e portanan mas principal

ORANJESTAD — „Albany Times-Union” y Grace Line ta organisa den luna di october un loke nos ta jama „friendly neighbor cruise” den e area di Caribe. E cruise aki mester word mira como un empresa pa duna e habitantenan di Albany, e ciudad maior den e estado New York na Estados Unidos, oportunidad pa conoce mihor e territorio di Caribe.

Na momento di anuncia e cruise e diario cu ta organisa cu esaki a menciona Aruba como un di portanan di mas principal.

Dia 17 di october, e bapor ta sali for di New York dia 14. Arubaanse Touristen Commissie lo duna un barbecue den Basiruti. Un foto di e terrasa ya ta prunk caba ariba cabez di e articulo. Ademas e consul Americano na nos isla lo tene riba e dia

El a bisa cu e declaracion di Rusia, cu Inglatera no tin autorizacion over dje basenan mericano na Inglatera, no ta berdad.

E delegado ingles a bisa cu lo e apoya e resolucion mericano. El a declara en relacion cu e avionnan cu Rusia a dirigi na e paisnan cu tin base mericano, cu Merca lo sigui cumpli cu su obligacionnan na Pacto Atlantico.

E delegado frances tambe a declara cu Francia lo apoya e proposicion di Merca.

E sesion a word suspende te majan atardi.

aki den su residencia un cocktail-party na unda participantenan na e cruise por cera conoci cu diferente habitantenan di e isla.

E cruise ta word haci cu „Santa Rosa” di Grace Line y ta dura na tur diestres dia; nan no ta menciona cuanto participante lo tin.

Ademas di Aruba nan lo bishita tambe Curacao, La Guaira, Kingstoa y Port Everglades.

Pa un bril cu ta llama atencion di tur:

SPRITZER * FUHRMANN OPTICA

ORANJESTAD TEL. 1320
SAN NICOLAS TEL. 5015

APARATONAN MODERNO
PA SLIJP TUR GLAS

Gira pa Corsow di „Vivons en Chantant” y „Bel Canto”

ORANJESTAD — Cienti binti miembro di e coronan „Vivons en Chantant” y „Bel Canto”, bou direccion di nan director senjor J. W. H. Bongers, lo haci un gira di 12 te 16 di augustus pa Corsow, no unda non lo duna diferente concierto.

Pa mas di cuater anja e dos coronan aki ta gosa di un bon nomber.

Asina por ejemplo nan ta hanja cooperacion di Magyar, un ensemble musical di Corsow. E ensemble aki ta pereura pa un parti di e programa. E violista Ad Stenzen huntu cu Mario Bislick cu lo acompaña je na piano, lo duna algun solo di viol.

Como cincuenta mucha muher, di e coro lo baha sera famianan. Resto di e hendenan ta hanja acomodacion sera e broedernan di St. Jan. E mucha

Asina por ejemplo nan ta hanja cooperacion di Magyar, un ensemble musical di Corsow. E ensemble aki ta pereura pa un parti di e programa. E violista Ad Stenzen huntu cu Mario Bislick cu lo acompaña je na piano, lo duna algun solo di viol.

Como cincuenta mucha muher, di e coro lo baha sera famianan. Resto di e hendenan ta hanja acomodacion sera e broedernan di St. Jan. E mucha

Como cincuenta mucha muher, di e coro lo baha sera famianan. Resto di e hendenan ta hanja acomodacion sera e broedernan di St. Jan. E mucha

Como cincuenta mucha muher, di e coro lo baha sera famianan. Resto di e hendenan ta hanja acomodacion sera e broedernan di St. Jan. E mucha

Como cincuenta mucha muher, di e coro lo baha sera famianan. Resto di e hendenan ta hanja acomodacion sera e broedernan di St. Jan. E mucha

Como cincuenta mucha muher, di e coro lo baha sera famianan. Resto di e hendenan ta hanja acomodacion sera e broedernan di St. Jan. E mucha

Como cincuenta mucha muher, di e coro lo baha sera famianan. Resto di e hendenan ta hanja acomodacion sera e broedernan di St. Jan. E mucha

Entrenamento di schermclub na encargo di J. Boutmy

Antes tambe e deporte aki tabata ser practica
ORANJESTAD — E schermclub cu recien a kedo formo no nos isla, y cu ya ta conta cu casi 30 miembro lo cuminsa cu su entrenamento diabierne awor, den cantina di polisnan na Oranjestad.

Un lugar fiho pa entrena no tin ainda, y nan ta trata pa hanja uno mas her posibel. E comisario di e club, sr. J. Boutmy kende ta alavez campeon antillano den sabel lo duna instruccionnan durante e anochinan di entrenamento. Por lo pronto e participanenan no tin nada di preocupa pa nan trabe y damas equiponan. Na su debito tempo e directiva lo laga encarga tin e requisitonan, manera camisa y carson pa scherm, handschoen y mascara floret, sabel y spada cerca senjor A. Hoevers, e maestro di scherm na Corsow. E senjor aki a keda invita tambe pa bini Aruba un biaha pa duna les durante un di e entrenamentonan.

Afilacion na Bond

Awor cu e schermclub di Aruba tin su directivanan ta spera cu e deporte aki por hanja mas acogida ainda na nos isla. E oportunidad awor a keda habri pa bira miembro di e Antillanense

Schermbond na Corsow. Mester bisa si cu e deporte aki ya tabata word practica riba nos isla. Esaki tabata den anjanan cuarenta. Tata di senjor J. Boutmy, comisario den e directiva, tabata uno cu a duna les na anja 1948 den Tivoli y Caribe Club. For di e tempo aki tabata reina gran interes pa e deporte aki. Na anja 1949 tabata senjor Oscar Henriquez actualmente diputado y senjor N. Hilhorst di Aruba huntu cu 10 persona mas di Corsow cu a defende Antillas den Juegonan Panamericano na Guatemala. Nan a bini bek cu dos medaja di oro, uno di plata y uno di brons. Antillas Hulandes tin un bon nomber den e deporte di schermnan aki. Un prueba di esaki ta e bon resultado nan cu e representacion antillana a haci durante un Weganan Centro Americano y di Caribe na Caracas Januari 1959. Dos medaja di oro, dos di plata y uno di brons nan a gana na Caracas.

FUTBOL FUTBOL FUTBOL

ARUBA VOETBAL BOND

ta presenta

AWENOCHI 26 DI JULI PA 7.30

den

WILHELMINA STADION

DAKOTA vs. SAN NICOLAAS JRS.
(Hoofdklasse)

Entrada: Tribuna Fl. 1.— Staansplaats: Fl. 0.50

DOS MUCHA CU UN KAARCHI

FUTBOL FUTBOL FUTBOL

ATA.....PEPSI COLAGANA PLACA..... CIEN FLORIN ATROBE




PEPSI-COLA GANA PLACA. El a cuminsa prome, e tin e mihor exito. Miles y miles di hende to bebe PEP-SI-COLA diariamente. AWOR E REFRESCO MAS POPULAR DI ARUBA. Tambe Stephen Lee Edge di Seroe Colorado, Bung. No. 324 ta bebe Pepsi-Cola, dos botter pa dia. El a mira bao di e tapa y el a gona CIEN FLORIN. Ayera mainta na VELD STORES na San Nicolas el a hanja su CIEN FLORIN.



Riba e potret Stephen y senjoro In't Veld.

HASI MANERA STEPHEN,
BEBE PEPSI AWE y...
GANA PLACA.

E MEDAJA DI ORO PA E WEGANAN OLYMPICO



Esaki ta un reproduccion di e medaja di oro, cu lo word entrega na e ganador di e weganan olympico na Roma.



CISCO KID

1. "Después de é man aki mi ta bay?" 2. "Bo no hun- ga mas cu dos man, Cisco?" 3. "Sigui! E suerte ta cambia- ra!" 4. "No, danki. Mi ta bay dru- mi!" 5. Mas laat, después cu Cisco a bay... Señores, man ariba, pa favor!"



JUAN EL INTREPIDO

1. "Nan a intercepta mi! Den e avion tin un otro in- truso cu ta protegi su cam- aradan! Laga mi tira riba dje!" 2. "Haciendo uso di tur su habilidad pa aleja di e Mig di Juan y Kala. Jack se subi mas cu su avion de- fecto." 3. Persegui door di e otro, ora... Maldicion di dia- blo cay riba dje! E la cruza frontera!"




LICK TRACY

1. "Sports, hon-ee! Mi ta in- teresa den bo trabai! Tur lo que mi a bisa — E no ta bunita?" 2. "Con bo por ta interesa den un bushi di la- ma, siendo nos ta den e gran epoca di "National commit- tee" racket?" 3. "Tende. Pa Bluffsides Dames Club como recompensa di nan exilo cu nan a trece cultura pa Bluffsides—." 4. "Esaki a worde du- na door di National Commit- tee". "Cuanto nan tin den nan caha Ogden?"



RIP KIRBY

1. "Mi mester agradecei bo, Rip, cu bo a juda mi hanja e empleo ey. Ta bon si bo tin un amigo". "Danki, Fran. Mi ta spera tur cos bay bon!" 2. "Pa suerte mi ta aki, pa- sobra fortuna ta camina den mala compania, pero si e sabi cu mi ta detective, lo e sin- tiele etendi". 3. Fremont y Kirby ta debuta den club Cordial."



EL PRECIO DEL TRIUNFO

1. "Capitan, na unda Mlle Durelle ta?" 2. "Riba wal, Mlle Archer, y e ta bon. Nos lo jega den un rato..." 3. "Monica... preciosa idiota!" 4. "Y tur mual! Pero mesora bo seca bo ta bay cu mi America, como sta Archer!" 5. "No, Derek, bo ta bay... pero sin mi..." 6. "Ay, no! No mas complicacion!"



EL DIARIO DE UNA VIDA

1. "Sr. Jones! Awe si bo ta aki di marduga..." 2. "Bo ta bolhe pronto? Ay, Dios! Mi a bisa algo malo?"



PEPITA

1. "Quico bo ta hari, hefe?" 2. "Debe... debe... y mi no tin placa pa paga un otro luna!" 3. "Mester warda na otro luna! Ha-ha-ha!" 4. "Y esey ta haci bo sinti asina feliz?" 5. "Ho-ho-ho-ha!" 6. "Mi ta feliz pasobra mi no ta un di mi credicuaran!"



Remitido

(Fuera responsabilidad di redaccion)

Respectable señor:

Señor redactor di Arubaanse Courant tin e bendad di permiti mi un espacio den bo courant tan lesa aki na Aruba, pa mi por a publica e re- mitido na esnan cu e ta concerni. Di antemano masha danki!!

Es contenido di e carta cu mi ta manda publica den e courant aki lo ta un remitido na e directivanan di A.S.U., of mihor dicho un conseho na bienestar di sport aki na Aruba.

Mi ta spera cu e remitido aki lo en- contra nan como un remitido con- structivo pa adelanta nan deporte.

Promer cos mi tin di gradi- tur directivanan di A.S.U. y algun per- sonanan mas cu mi no sa cu a haci cu A.S.U. week su programma ta bira mas suceso tur anja.

Mi ta nota con e anja aki tin ariba programan manera cricket, ciclismo, ping pong, tennis, y voelbal, etc., etc.

Pero e deporte cu ta masha popular aki na Aruba mi no a nota e den e programa di A.S.U.-week. E deporte ey ta "Boxeo". Den mi opinion, y hopi mas fanatico di boxeo aki na Aruba lo A.S.U. week lo ta tin un programa mas suceso si nan a inclui boxeo den e programa.

Mi ta spera cu otro anja nan lo traha un programa di "Amateur Boxing" acerca. Directivanan quizas no sabi pero aki na Aruba tin hopi hoben cu kien practica den e deporte aki, pero no tin hende pa sponsor e peleanan aki.

Especialmente nan mester corda cu actualmente den campo tin hopi cu ta train continuamente, manera na Noord, Calabas, Tanki Flip, Tanki Leendert, Madiki, Savaneta, Santa Cruz, y tambe na playa, Dakota y

henter den San Nicolas. Lo ta un bon conseho si directivanan cuminsa prepara un programma asina pa otro anja, algun dos of tres luna delanta cu preliminarior di heavyweight te na flyweight anto larga e finalnan den programma di A.S.U.-week.

Pa parti di financiero pa material y equipment, mi ta kere cu esey lo no ta un problema grandi, pasobra ya tin un "ring" den stadium caba, solamente un regla e mester, y otro gastonan di material lo wordu paga nos tur sabi hopi fanatico di lo acudi back cu entrada di porta. Manera na e programma menciona aki. Aki mi ta termina cu es carta sperando cu otro anja nos A.S.U.-week lo ta un mas suceso cu "boxeo" ariba su programma.

Un amante di Boxeo.

L.T.

Nota di nos redactor Deportivo:

Nos ta apoya e proposicion di e remitente cien por ciento tocante po- nemento di boxeo ariba programa di A.S.U. Boxeo ta un deporte cu a co- nocer hopi anjanan di gloria ariba nos isla y den A.S.U. Olimpiada ta net un bon oportunidad pa e deporte aki bin padilanti atrobe.

Segun nos a obtene informacion ori- ginalmente ariba e programa di e Sexto A.S.U. Olimpiada tabata tin planan un anochi di boxeo. Pero pa un motibo of otro esaki no a realisa.

Nos ta kere tambe cu no ta uni- camente algun luna prome cu e A.S.U. Olimpiada eliminacionnan mester worde teni, sino cu un club (of mas) mester worde funda pa or- ganisa peleanan amateur. Sin duda alguna un club forma y cu personanan cu ta deseo so di traha pa e deporte aki lo hanja e apoyo necesario pa nan por haci uso di e ring y materialnan cu tin den Wilhelminastadion.

E club lo por laga su miembronan mes aparece den programanan cu lo sirbi alavez pa e club hanja fondo.

Order duna pa

marina Mericano

WASHINGTON, 23 juli. — Mari- na mericano a duna order pa traha 3 submarino nobo atomico, dje mes tipo cu cual nan a lanza racketan Polaris cu exito for di bao di laman.

HOROSCOOP

DI AWE

ARIESNAN

11 Maart — 20 April

Aspectonan ta

exigi awe un proceder practico. Preocupa bo cu bo trabao y bo salud. No tumas riesgo financiero.

TAURISNAN

21 April — 21 Mei

Un cambio di

influencia por causa bo alegria y expansion. Atende interesnan nan di porvenir.

GERMINENAN

22 Mei — 21 juni

Sea dispuesto na

dedica bo na asuntonan necesario di trabao y di cas. Un asun- to di bo ta ter- mina existoso.

CANCERNAN

12 juni — 23 Juli

Bo por identifi- ca bo mes. Atende bo interes cerca familia y bicia- ja door di con- tacto.

LEONAN

24 Juli — 23 Augustus

Asuntonan pri- va ta exigi aten- cion escrupulo- so. Tambe e dian- ta siguiente. Trata na aumen- ta bo entrada.

VIRGONAN

24 Augustus — 23 September

Den bo mes signo luna ta yu- da bo pa desa- rolla iniciativa y haci cambianan na bo mes inte- res.

LIBRANAN

24 September — 23 October

Busca tempo pa bo termina tri- buacion cu a sta- pel riba otro. Bo por yuda asun- tonan priva na un manera dis- creto.

SCORPIONAN

24 October — 22 November

Personanan di buena fe ta den esfera awor pa haci nan best pa bo. Nan quier yuda bo den e empenjonan.

SAGITARIUSNAN

23 November — 21 December

Trata na anda

cu masha tactica cu personanan di peso. Asuntonan confidente... por duna bo un bon chens.

CAPRICORNUSNAN

22 December — 20 Januari

E dia di awe

por bira masha interesante pa bo cu un acento ri- ba tur noticia cu dreña. Traha bo plannan pa porvenir.

ACUARIUSNAN

21 Januari — 19 Februari

Bo tin un chens

awor pa atende pagonan of re- cibonan necesario. Loque bo tin di haci tambe ta spaa bo vitali- dad.

PISCES

20 Februari — 20 Maart

Door di coope- racin inteligente cu otro- nan bo por cosecha exi- to pa bo mes. Sea dispuesto pa certa aregionan.

ULTIMO WEEK-END DI FERIA Y.M.C.A.

SAN NICOLAS. — Daisabra anochi y diadomingo atardi y anochi pu- blico por goza pa ultimo biaha di e placemnan na e feria di Y.M.C.A. Nan a trece un cantidad di premonian va- lioso bicicleta, scooters, popchman grandi, lampi y algun otro cos mas den e feria. Asina cu tin hopi cos pa "grab" e ultimo dianan.

E week-end cu a pasa cosnan a bai nasha bon atrobe. Nan a ricibi casi 115.400, di manera cu e to- tal di entrada a subi te na 14.000. E cantidad di publico cu a bishita e feria tabata di mas o menos 2.500. Nan ta spera sin embargo cu e ultimo week-end lo ta masha druk.

RESULTADO TYPE-EXAMENS CENTRALE "ARUBA"

ORANJESTAD — Aki bou nos lo laga

sigi resultado di examennan di type di Centrale "Aruba" cu a worde teni si- man cu a caba. Di e diploma A (30 palabra pa minuut — 150 aaslagen) a slaag 24 di e 27 candidatonan. Nan ta: Alda Dijkhoff, Dolores Maduro, Emi- lia Maduro, Virginia Ras, Maria An- thony, Irma Arrindell, Saintclair Jo- seph, Elsa Lindsey, Helena Nicolaas, Jacqueline Richardson, Imelda Rodgers, Denise Sharpe, Claire v. Thol, Maria Tremus, Dominico Bricker, Pedro H. Croes, Rufino Franken, Herman Hen- nep Jacobo Hoevertz, Benito Kelly, Winston Kock, Mario Maduro, Rudolf Rijke, y Franklin Schoop.

E nombrenan aki riba ta di alum- nonan di R.K. Huishoudschool "Mater Dei", di St. Filomena College y di St. Dominicus College.

Pa e praktikodiploma, 40 palabra pa minuut (200 aanslagen) a slaag ocho di e diez candidatonan: E feliznan ta: Filomena Diaz, Elisabeth Leong, Casil- do v.d. Biezen, Prisco Britten, Ismael Croes, Julien Ignacio, Luis Mansur y Lucio Rivadeneira.

E ochonan aki ta alumnonan di St. Filomena College y St. Dominicus Col- lege. Nos pabien.

RESULTADONAN DI NOS FUTBOL

ORANJESTAD. — E weganan cu

a worde hunga e week-end cu a caba a duna e siguiente resultadonan:

A-klasse:

Buball — La Fama 3-1

Tropical — Trappers 5-1

B-klasse:

Federatie V.C. — Juventud 1-2

Millionarios 2-2

Britania — Vitesse 5-2

Dos Caminos — J. Holland. 2-1

Unidos — Jong San Nicolas 3-3

East Star — Universal 3-3

Lucky Star — Trupial 4-0

Reserve Klasse I:

Jong Aruba II — R.C.A. II 2-0

La Fama II — Estrella II 2-5

Reserve Klasse II:

Estudiantes II — Union II 5-0

Dos Caminos II — Sport Boys II 2-4

Mariniers II — Unidos II 2-1

Junioren:

U.J. Noord — Aruba Jrs. 2-2

R.C.A. — Hollandia 2-1

Riverplate — Brasil Jrs. 0-5

Don Bosco — Jong Aruba 0-3

Britania — Trappers 1-0

Estrella — Rapid 3-2

Petrona & Croes

Dakota - tel: 1712-1639

PA TUR SORTO DI MATERIAL

PA VERF

DETALLENAN DI ELEGANCIA DEN UN CAMISA FAMOSO

E COL TA TRAHA DI UN PIDA SOL CU NUNCA TA MACHICA!

E CAMISA EXTRAORDINARIA.

VAN HEUSEN®

Century

Col patenta di un pida sol, na estilo di gran moda

Puntanan di manga cambiable pa usa sea cu boton normal o cu manconia.

E prome bez cu bo usa un camisa VAN HEUSEN Century lo bo descubri cu e col di e camisa aki ta traha na perfeccion. Su construcion especial, di un pida sol, ta haci cu nunca e ta machica. Pone aki cerca cu e camisa- nan VAN HEUSEN tin mas estilo y distincion incluyendo detallenan fini, manera e puntanan di manga cu ta cambia pa usa sea cu boton normal o cu manconia. No laga di mira e camisanan CENTURY Vantage, un exclusividad di VAN HEUSEN na telanan di catina "laha y usa".